


# სამახსოვრო ამომრჩეველთა რეგისტრაციის კომისიის წევრისთვის

განკუთვნილია იმ საარჩევნო უბნისთვის, სადაც კენჭისყრა  
ელექტრონული საშუალებების გამოყენების გარეშე ტარდება

საქართველოს პარლამენტის 2024 წლის 26 ოქტომბრის არჩევნები

წინამდებარე რესურსი მომზადებულია სსიპ საარჩევნო სისტემების  
განვითარების, რეფორმებისა და სწავლების ცენტრის მიერ.

სამახსოვრო ინსტრუქცია წარმოადგენს დამხმარე რესურსს  
კომისიის წევრის მიერ ფუნქციის შესაბამისად ამომრჩევლისთვის  
კვალიფიციური სერვისის განსახორციელებლად.



## **კენჭისყრის დაწყებამდე, კომისიის თავმჯდომარე, ფუნქციის შესასრულებლად გადმოგცემთ:**

- ანბანის მიხედვით დანაწილებულ ამომრჩეველთა ერთიან სიას. ერთ-ერთ რეგისტრატორს აგრეთვე, გადმოგცემთ ამომრჩეველთა სპეციალურ სიას (ასეთის არსებობის შემთხვევაში);
- საარჩევნო ბიულეტენების თითო ბლოკნოტს (უნდა შეამონმოთ საარჩევნო ბიულეტენების რაოდენობის სიზუსტე და კომისიის თავმჯდომარესთან ერთად ხელმოწერით დაადასტურეთ ბლოკნოტის თავფურცელზე არსებულ მიღება-ჩაბარების აქტში);
- სპეციალურ სახაზავს;
- მარკირების სითხე;
- საწერ კალამს (ამომრჩეველთა სიაში ამომრჩევლის მიერ ხელმოწერის დაფიქსირების მიზნით);
- რეგისტრატორების ბეჭედს (ბეჭდის ნომრები მიეთითება კენჭისყრის დღის ჩანაწერთა წიგნის მე-3 გვერდზე).

## **კენჭისყრის დაწყების შემდეგ, ამომრჩეველს გაუწიეთ რეგისტრაციის და შემდგომ საარჩევნო ბიულეტენის გაცემის სერვისი**

- I. ამომრჩეველის რეგისტრაციის პროცესი მოიცავს შემდეგ კომპონენტებს:
  1. ამომრჩეველთა სიაში არსებულ მონაცემებთან შესაბამისობის დადასტურება
  2. ამომრჩეველის მარკირება
  3. ამომრჩეველთა ერთიანი სიის სათანადო გრაფაში ამომრჩეველს მიერ საარჩევნო ბიულეტენის მიღების ხელმოწერით დადასტურება
- II. ამომრჩეველისათვის ბიულეტენის გაცემის პროცესი მოიცავს შემდეგ კომპონენტებს:
  1. საარჩევნო ბიულეტენის შევსების წესის განმარტება
  2. საარჩევნო ბიულეტენია წინა გვერდზე ხელმოწერის გაკეთება და ბიულეტენის ბეჭდით დამოწმება
  3. ამომრჩეველისთვის ბიულეტენის გადაცემა

### **I. ამომრჩეველის რეგისტრაციის პროცედურა:**

- სთხოვეთ ამომრჩეველს წარმოგიდგინოთ პირადობის დამადასტურებელი დოკუმენტი. ამომრჩეველი კენჭისყრაში მონაწილეობს თუ წარადგენს პირადობის დამადასტურებელ ერთ-ერთ დოკუმენტს:

- ✓ საქართველოს მოქალაქის პირადობის ელექტრონული მონმობას;
- ✓ საქართველოს მოქალაქის პირადობის არაელექტრონული მონმობა (რომლებსაც არ აქვს ინფორმაციის ელექტრონული მატარებელი);
- ✓ საქართველოს მოქალაქის პასპორტი.
- შეამოწმეთ ამომრჩევლის მიერ წარდგენილი პირადობის დამადასტურებელი დოკუმენტის მოქმედების ვადა. საქართველოს მოქალაქის პირადობის არაელექტრონული მონმობის წარდგენის შემთხვევაში, ასევე შეამოწმეთ დოკუმენტის გაცემის თარიღი.

თუ ამომრჩეველი წარმოგიდგენთ ვადაგასულ პირადობის დამადასტურებელ დოკუმენტს, ან ძალადაკარგულ საქართველოს მოქალაქის პირადობის არაელექტრონულ მონმობას (ძალადაკარგულია 2011 წლის 27 ივლისის ჩათვლით გაცემული არაელექტრონული მონმობა), მას ეკრძალება კენჭისყრაში მონაწილეობა. ამომრჩეველს განუმარტეთ კენჭისყრის ოთახში დაშვებაზე უარის თქმის მიზეზი და მიუთითეთ, რომ კენჭისყრაში მონაწილეობის უფლება მიეცემა, თუ წარმოადგენს მოქმედ პირადობის დამადასტურებელ დოკუმენტს.

- შეამოწმეთ, არის თუ არა ამომრჩეველი შეყვანილი ამომრჩეველთა ერთიან ან სპეციალურ სიაში და შეადარეთ ამომრჩევლის პირადი ნომერი ამომრჩეველთა სიაში არსებულ ნომერს.
- შეამოწმეთ წარდგენილ დოკუმენტში აღნიშნული ამომრჩევლის სარეგისტრაციო მონაცემებისა და ამომრჩეველთა სიაში არსებული მონაცემების შესაბამისობა.

### **გახსოვდეთ!**

ამომრჩეველი კენჭისყრაში მონაწილეობს, თუ ამომრჩეველთა შესაბამის სიაში საქართველოს მოქალაქის პირად ნომერთან, სქესთან და ფოტოსურათთან ერთად, სრულად ემთხვევა ქვემოთ ჩამოთვლილ მონაცემთაგან 3 მაინც:

- ✓ სახელი;
- ✓ გვარი;
- ✓ დაბადების თარიღი (რიცხვი, თვე, წელი);
- ✓ მისამართი (საქართველოს მოქალაქის პირადობის მონმობის ან სააგენტოს მონაცემთა ბაზის მიხედვით, რომელიც მოიცავს აგრეთვე საზღვარგარეთ რეგისტრაციის ადგილს).

- შეამოწმეთ წარდგენილ დოკუმენტში და ამომრჩეველთა სიაში არსებული ფოტოსურათის და ამომრჩეველის სახის ერთმანეთთან შესაბამისობა.

### გახსოვდეთ!

თუ ამომრჩეველის შესახებ მონაცემების შემოწმებისას დადასტურდა, რომ წარდგენილ დოკუმენტში შეტანილი ამომრჩეველის სარეგისტრაციო მონაცემები (გარდა ფოტოსურათისა) შეესაბამება ამომრჩეველთა სიაში არსებულ მონაცემებს, მაგრამ ამომრჩეველის სახეს და წარდგენილ პირადობის დამადასტურებელ დოკუმენტში არსებულ ფოტოსურათს ერთმანეთთან შეუსაბამოდ მიიჩნევთ, აღნიშნული შეუსაბამობის დადასტურების თაობაზე მიმართეთ კომისიის თავმჯდომარეს და დაელოდეთ მის მითითებებს. თუ კომისიის თავმჯდომარე შეუსაბამობას არ დაადასტურებს, უფლება გაქვთ, კენჭისყრის დღის ჩანაწერთა წიგნში მიუთითოთ თქვენი განსაკუთრებული აზრი, რასაც კომისიის მდივანთან ერთად ამომრჩევთ ხელმოწერით. წარდგენილ პირადობის დამადასტურებელ დოკუმენტში არსებულ ფოტოსურათთან ამომრჩეველის სახის შეუსაბამოდ მიჩნევის მიუხედავად, ამომრჩეველი იღებს მონაწილეობს კენჭისყრაში.

- ამომრჩეველის მონაცემთა შესაბამისობის დადასტურების შემთხვევაში ამომრჩეველს გაუკეთეთ მარკირება მარჯვენა ხელის ცერა ან საჩვენებელი თითის ფრჩხილზე, თუ აღნიშნული მოქმედების შესრულება შეუძლებელია - მარჯვენა ხელის სხვა თითებზე, ხოლო თუ ესეც შეუძლებელია, იმავე წესით მარცხენა ხელზე.



### გახსოვდეთ!

მარკირების პროცედურის გავლაზე უარის შემთხვევაში, ამომრჩეველს არ აქვს კენჭისყრაში მონაწილეობის უფლება. ამომრჩეველს განუმარტეთ უარის თქმის მიზეზი და სთხოვეთ, დატოვოს კენჭისყრის შენობა.

ამომრჩეველს რომელსაც არ აქვს ზედა კიდურები (ფიზიკური მდგომარეობა) არ უკეთდება მარკირების პროცედურა.

- მარკირების პროცედურის განხორციელების შემდეგ, ხელი მოაწერეთ ამომრჩეველთა ერთიანი სიის სათანადო გრაფაში და მიუთითეთ ამომრჩეველს სიაში ხელმოწერით დაადასტუროს საარჩევნო ბიულეტენის მიღება.

### **გახსოვდეთ!**

იმ ამომრჩევლის გვარის გასწვრივ, რომელსაც არ აქვს ზედა კიდურები (ფიზიკური მდგომარეობა), ამომრჩევლის ხელმოწერის ადგილზე, გააკეთეთ ჩანაწერი „ფიზიკური მდგომარეობა“ და აღნიშნული დაადასტურეთ თქვენი ხელმოწერით.

უსინათლო და მცირემხედველ ამომრჩეველს, ვერბალურად აუხსენით განსახორციელებელი პროცედურები. ხელით აჩვენეთ ამომრჩეველთა ერთიან სიაში ხელმოწერის ადგილი.

### **ამომრჩევლის რეგისტრაციის პროცესში რისკების პრევენცია.**

- {I} თუ კენჭისყრის პროცესში გამოვლინდა, რომ ამომრჩეველმა საარჩევნო სიაში ხელი მოაწერა სხვა ამომრჩევლის გვარის გასწვრივ არსებულ გრაფაში, ასეთ შემთხვევაში ამომრჩეველმა, რომლის გვარის გასწვრივ ფიქსირდება ხელმოწერა, ხელი უნდა მოაწეროს იმავე გრაფაში. აღნიშნულის თაობაზე უნდა დაწეროს ახსნა-განმარტება (ამომრჩევლის ერთიან სიაში რიგითი ნომრის, სახელისა და გვარის მითითებით).
- {II} თუ დაფიქსირდა, რომ კენჭისყრის შენობაში ხმის მისაცემად გამოცხადებული შეყვანილია სხვა უბნისთვის განკუთვნილ სპეციალურ სიაში, ამომრჩეველს აეკრძალება საარჩევნო უბანში კენჭისყრაში მონაწილეობა. ამომრჩეველს განუმარტეთ, რომ კენჭისყრაში მონაწილეობის მისაღებად იგი უნდა მივიდეს შესაბამის საარჩევნო უბანში.
- {III} თუ დაფიქსირდა, რომ კენჭისყრის შენობაში ხმის მისაცემად გამოცხადებული ამომრჩეველი შეყვანილია გადასატანი საარჩევნო ყუთის სიაში, ასეთ ამომრჩეველს აეკრძალება საარჩევნო უბანში კენჭისყრაში მონაწილეობა. ამომრჩეველს განუმარტეთ, რომ მოთხოვნის შესაბამისად, ამომრჩევლისთვის გათვალისწინებულია გადასატანი საარჩევნო ყუთით ხმის მიცემის სერვისი.

## II. ამომრჩეველზე საარჩევნო ბიულეტენის გაცემის პროცედურა:

- ამომრჩევლის რეგისტრაციის პროცედურის დასრულების შემდეგ, ამომრჩეველს განუმარტეთ საარჩევნო ბიულეტენის შევსების წესი:



„ხმის მისაცემად საარჩევნო ბიულეტენში შემოხაზეთ თქვენთვის სასუხვედი მხოლოდ ერთი სუბიექტის წინ აჩსებული ჩიგითი ნომეჩი. შევსებული საარჩევნო ბიულეტენი გადაკვეთ ისე, ხომ აჩ ჩანდეს, ვის მიეცით ხმა.“

- ხელი მოაწერეთ საარჩევნო ბიულეტენს წინა გვერდზე სათანადო გრაფაში და საარჩევნო ბიულეტენი დაამოწმეთ თქვენ ხელთ არსებული რეგისტრატორის ბეჭდით.
- ამომრჩეველს გადაეცით საარჩევნო ბიულეტენი და მიუთითეთ გადაინაცვლოს ფარული ხმის მიცემის კაბინაში.

### ყურადღება!

უსინათლო და მცირემხედველ ამომრჩეველს მიანოდეთ ინფორმაციას საარჩევნო ბიულეტენში არსებული საარჩევნო სუბიექტების რიგითობის შესახებ და განუმარტეთ საარჩევნო ბიულეტენის შევსების წესი. უსინათლო და მცირემხედველ ამომრჩეველს საარჩევნო ბიულეტენი გადაეცით ისე, რომ ის მოთავსებული იყოს ბიულეტენის შესავსებ სპეციალურ ჩარჩო/ფორმაში. საარჩევნო ბიულეტენის შესავსებ ჩარჩო/ფორმაში არსებული ყოველი წრიული ქრილი უნდა ემთხვეოდეს ბიულეტენში არსებული საარჩევნო სუბიექტების რიგით ნომრებს.

მცირემხედველ ამომრჩეველს შესთავაზეთ გამადიდებელი ლინზა და აუხსენით მისი გამოყენების წესი.

## რეგისტრატორის ფუნქციებთან დაკავშირებული სხვა საკითხები

- I. ამომრჩეველთა პერსონალური მონაცემების დაცვის უზრუნველყოფა**  
კენჭისყრის შენობაში ყოფნის უფლების მქონე პირებს ეკრძალებათ ამომრჩეველთა სამაგიდო სიაში არსებული პერსონალური მონაცემების დამუშავება (მათ შორის, ფოტოვიდეოგადაღება, შეგროვება, ჩანერა, შენახვა), გამოყენება, გამჟღავნება, გადაცემა ან/და გავრცელება. აღნიშნული აკრძალვა ვრცელდება ასევე საუბნო საარჩევნო კომისიის

წევრებზე, გარდა იმ შემთხვევისა, როდესაც ამომრჩევლის პერსონალურ მონაცემებთან დაკავშირებული ქმედებების განხორციელება აუცილებელია საქართველოს ორგანული კანონით „საქართველოს საარჩევნო კოდექსი“ და ცესკოს სამართლებრივი აქტებით გათვალისწინებული საუბნო საარჩევნო კომისიის უფლებამოსილების განსახორციელებლად.

ამომრჩეველთა პერსონალური მონაცემების დაცვის უზრუნველყოფისთვის დადგენილი წესების დარღვევის შემთხვევაში, რეაგირებისთვის მიმართეთ კომისიის თავმჯდომარეს.

## **II. კენჭისყრაში/არჩევნებში მონაწილე ამომრჩეველთა აღრიცხვა**

კენჭისყრაში/არჩევნებში მონაწილე ამომრჩეველთა რაოდენობის (ამომრჩეველთა აქტივობა) დადგენა ხდება 10:00, 12:00, 15:00, 17:00 საათზე. კენჭისყრაში/არჩევნებში მონაწილე ამომრჩეველთა საბოლოო რაოდენობის მონაცემები დგინდება კენჭისყრის პროცესის დასრულების შემდეგ.

კენჭისყრაში/არჩევნებში მონაწილე ამომრჩეველთა რაოდენობის (ამომრჩეველთა აქტივობა) დადგენის მიზნით, საუბნო საარჩევნო კომისიის თავმჯდომარის მითითებით, კენჭისყრის პროცესისთვის ხელის შეუშლელად, ასევე ფუნქციის დროებით გადაცემის შემთხვევაში, გადაითვალეთ ამომრჩეველთა სიებში ამომრჩეველთა ხელმოწერების რაოდენობა (თქვენს მიერ დაწერილ ახსნა-განმარტებებში აღნიშნული მონაცემების გათვალისწინებით) და ასევე თქვენს მიერ გაცემული საარჩევნო ბიულეტენების რაოდენობა (კომისიის თავმჯდომარისთვის გადაცემული გაფუჭებული საარჩევნო ბიულეტენების რაოდენობის ჩათვლით). გაცემული საარჩევნო ბიულეტენების რაოდენობის დადგენა შესაძლებელია მიღებული საარჩევნო ბიულეტენების რაოდენობასთან თქვენთან დარჩენილი საარჩევნო ბიულეტენების რაოდენობის შედარებით.

თუ მონაცემებს შორის სხვაობა გამოვლინდა, დაუყოვნებლივ დაწერეთ ახსნა-განმარტება. ახსნა-განმარტებაში ასახული მონაცემები გაითვალისწინება კენჭისყრაში/არჩევნებში მონაწილე ამომრჩეველთა რაოდენობის დადგენისა და კენჭისყრის შედეგების შემაჯამებელი ოქმის შედგენის მიზნებისთვის.